

瀘溪縣志卷之八

人物志

天柱地維人於其間參為三才以日月之精華山川之靈淑懷奇負異者撫鳴劍而抵掌朝野上下事業文章其致志蓋遠矣醞釀六籍士務成名聲教漸於上風俗清於下而瀘尚貞操類多女節足以奪羣不弔之人而覩其鬚眉也志入傳

梁

周迪性質樸不事威儀少有勇略按繩破篋旁若無人

瀘溪縣志

卷之八

人物

而直誠接物人皆附之侯景之亂鄉人起兵推迪主軍令朝命以為高州刺史封臨汝縣侯領臨川內史時民遭亂皆棄業羣聚為盜惟迪保境郵民所部獨不侵擾郡人尸祝之

唐

黃表字宗遠以武功為列郡鎮將繼授撫州都軍副將後陞撫州留後兵馬節度使賜緋銀魚袋金紫大夫上柱國以忠勇自許雖搶攘之秋獨以臣節終世君官溪即今七都麾下



鄧瓌僖宗時同李克用破黃巢有功特拜爲帥至莊宗
同光元年官拜左僕射金紫光祿大夫上柱國行尚
書省事二年加授威軍節度使明宗天成元年拜命
檢校太子祇肅賓客兼殿中侍御次弟堪官右僕射
銀青光祿大夫幼弟玲官團練使武節大夫
蔡苑廣德二年甲辰進士任樞密院後以武功拜天下
都統兵馬學士蔡允恭之後今十都科頭人

宋

李觀字泰伯稱盱江先生三都赤鏡橋其舊居也昔隸

瀘溪縣志

卷之八

人物

二

南城六十三都穎悟過人六七歲時能調聲律習字
書十歲通舉子業家貧竭力養親不慕榮利所學以
推明聖經爲本不泥於漢唐諸儒之論說郡舉茂才
異等有旨召試罷歸益務博通經籍創立盱江書院
以講學授徒范仲淹守饒州得其文薦於朝以母老
不願仕乞就除一官以便養并上其所業二十四篇
不報皇祐二年仲淹又與余靖交章薦之乃授太學
助教召爲說書明年以海門縣主簿祿之胡瑗疾罷
權同勾管太學以祖母未祔先塋請假歸遷塋尋卒

年五十一所著有平土書禮論七篇易論十三篇周禮致太平論五十篇明堂定制圖一卷富國強兵安民策各十篇潛書十五篇廣潛書十五篇慶歷民言三十篇常語二卷退居類藁皇祐續藁後集朱晦菴謂觀之學得於經爲多又言其禮論與已意合門人自閩浙至著錄者十有餘人曾子固鄧溫伯尤卓冠一時溫伯爲御史中丞上觀書得官其子參魯郊社齋郎

詳省志

饒廷直字朝弼由進士官鄧州通判攝州事值宋金講

瀘溪縣志

卷之八

人物

三

和割唐鄧二州屬金金迫取之以未得命堅守以待勢危乃以手刺血印表上拜使者行遂自刎嘗作將鑑論百篇後百餘年包恢爲序而刻之雍正四年奉旨建忠義祠與李大開同入祠享祀

李山甫字明叟觀之姪皇祐元年進士熙寧六年西師取河州守香子城以功遷太學博士通判河州羗人犯城山甫與知州解于師中固守之凡二十七日而圍解元豐三年王韶薦其材可用授作坊使權發遣澧州名對論造務神宗勉慰久之既至蠻峒懾服山

甫原情聽訟臨事敏捷所至有聲累官樞密副使
會誼字子常皇祐元年進士官累至都官員外郎博文
強記明於大體善屬文一時名出衆右爲吏平恕質
慈惠愛無苛提舉江南東路常平同職欲增賦役誼
爭之不得請去遂知楚州家故貧罷吏歸闔門不與
外事或晷日不得食晏如也

李參魯字孝儒觀之子行純才周能濟父美哲宗朝鄧
溫伯爲御史中丞以觀所著書上得補郊社齋郎調
新興縣尉以能稱廉察使薦爲韶州判官未拜卒

危固字堅道少好學以孝廉聞推先蔭爲庶人作隱居
詩以見志曰高士隱居處迢迢綠水灣數間玉川屋
七里子陵灘出人是非外醉醒文字間千鍾天子祿
不肯換清閒元簡肅薦其文除將作監主簿趙清獻
復薦之召試館職皆不就

石松字和甫元豐八年進士任嚴州桐廬縣知縣陞右
從事郎信州司戶叅軍在神宗朝與司馬光文彥博
呂公著相友善不附青蒿之議所至有聲民愛慕之
李彖字材叔李泰伯曾子固而後號鄉先生者也躬行

孝弟和而循理信而耐義喜揚人善而恐不及居藍田山中博覽諸經尤用意於詩易嘗著詩講義易統論孟子講義

石致平字君任淳熙二年進士授將仕郎任浙江仁和縣知縣有異政致仕歸父老扶杖扳號不能去請其衣冠奉祀之

傅汝舟字曉窻讀書好義雅尚詩禮欲紹先世命名乃立義試詩會聘鄧秀實輩師之一時作者雲集

李浩字成達號竹逸幼嗜學五經淹貫尤工詞賦領鄉

舉赴京不偶歸種竹成林優游自適

黃吳老字平一開慶元年進士授廸功郎贛縣西尉隨授修職郎和州錄事叅軍改宣教郎知豐城縣事轉朝奉郎除臨安府北廳通判一月除登聞檢院兼國史編修與賈似道不合適祖母疾投檄歸隱廉能之譽著於一時

黃曦字耀卿文章典麗度越時輩會南豐與王嚮書曰愛吾子與南公黃曦皆吾鄉一時之俊也

李允迪字德卿號困齋淳熙庚子鄉薦深於經史居太

學與朱熹張栻呂祖謙陸九淵講學日人有詩文十
集諸子四書手錄六帙傳世

李澗字宗海幼穎異十六領鄉薦登咸淳甲戌進士元
初臺臣舉求故官澗與謝枋得固辭不就隱於龍馬
峯研精周易以續先代之遺閒歌采薇紫芝二曲自
遣矍然一身因自稱梅邊矍叟

李秀芳字文敏七歲能屬對十三能文十八拔幟場屋
上京圻歸而取陸文定集讀之悵然有得謂如是讀
書方不枉會疾革所親問焉答曰天也引手揮婦人

瀘溪縣志

卷之八

人物

六

勿近恬然拱手而逝

吳楚材名炎以字行德祐元年建昌降明年春楚材還
其鄉嶺村糾集民兵乏援失利元兵誘降衆多解去
楚材走光澤被執及其子應登以獻郡遣錄事婁南
良訊之曰汝何錯舉楚材抗聲曰不錯不錯如府錄
所爲乃大錯耳吾一鄙儒特激於忠義爲國出力事
雖不成正不錯也南良愧而語塞卒就戮傳首諸邑
益王立於福州贈朝奉郎卽邵武境上立廟賜名忠

勇

元

黃叔美字河清爲袁州學正年四十丁母艱歎曰昔人捧檄爲親養耳今復誰養耶遂歸隱其爲詩慷慨磊落不凝滯於物有集行於世揭傒斯爲之序兄叔敬亦以文學知名

陳子野隱居藍田山谷徵元季士風之靡不求利達惟耕田讀書以自樂慕其名者咸思炙其暉名其所居曰陳坊若鄭村荀黑然

明

廬溪縣志

卷之八

人物

七

陳希聖號思源潛心理學師事羅明德鄧潛谷勵志操修不爲外誘壯年伏闕上書不報棲遲衡門著有水芸臺稿仕學諸篇

孫奎字啓文號曲澗居士積學敦行二親繼逝廬墓六載未嘗一履家闕館舍以延四方學者居嘗喜吟咏每策杖泉石間有得輒書之傳有曲澗集史記辨纂堪輿家醫書孫武子兵法若干卷嘗辨饒廷直死於忠義正德志誤入仙釋其言極有關於名教

徐政字孟宣成化甲辰由廩貢授廣西恭城知縣興廢

舉墜鋤強勸善民皆心服地接邊境蠻賊出入不常
自政下車示以恩信六年間亂不復作而地方獲寧
民懷之有廉尹坊

曾漸字時達號梅阜任閩縣主簿秩滿致政建廣濟橋
增田贍義渡事關於鄉里不惜捐資以成之

孫琚字廷佩號廉峯姿性敏捷長從桂古山遊與桂文
襄友同兄瑾補弟子員有聲後以恩選貢入國學三
試於省五試於京弗售授湖廣寶慶邵陽縣丞清謹
愛民尤摘奸伏無遁情尹於訟不得其理者輒屬之

解綬時耄稚振轅載道晚年捐廣祭產創立義舍君輸
糧十石零入學資貧士膏火藩司督學俱獎異之享
年九十有六

許子材字全卿號仰山由例貢授常州宜興縣丞攝縣
事勤敏廉明拔取英雋周延儒蔣如奇俱出其門性
岷藩紀善致仕後蔣官建南道造廬間起居匾曰清
白高風周典試江西郵對德厚芳流遠官卑清自高
傅洋字元盛少負奇氣好讀書尤精易學有寇潛伺期
夜至洋占易得暮夜有戎遂遁免事母至孝待寡嫂

深加禮敬鄉人有以貧故鬻地者捐金贖之歲大饑
出穀賑濟以千數與兄灤瀨並稱三俊別號洋南坡
先生

石文器字伯重號玉完登萬歷癸丑進士知曲江縣政
敏以武羣盜懾服乙卯分校粵闈得士六人上計返
韶郡大浸水滄倉廩請賑慮浥腐未報卽發全活者
無算內艱歸或以專擅中讒左官徘徊皖幕爲記翔
鶴清署以見志攝太湖匝月民立祠祀之辛丑領聘
分校楚闈得士七人擢李永平緣心動歸省丁外艱

補建寧讞決明允滯獄多所平反覈邵武稽崇權所
至有聲以久次擢廷尉左寺遷右寺正適訊魏忠賢
黨案其爰書多出手定政成棘寺卿有品可凌霜力
能扛鼎之薦崇正將大用之特俾守河澗河澗神京
咽喉多巨盜器至壁壘一新撤具畢舉盜起獻縣勢
在燎原器爲方畧擒魁懸賞格得相縛而盡其族攝
天津道篆督援兵入濟救名城兵不譁而民不擾各
院臺薦舉治行卓冠三輔因屬令某墨而負墻壁執
法劾之忤當道歸脫躡一官遊心著作比賜環耄不

復起先是族世苦赤籍至守瀛以勦叛勳得拔恩免
且推給伍田祀厥宗後族賢追慕定於歲長至禮報
傳文燧號奎垣以訓導累陞雲南廣西通判攝府道篆
先是苗民獷悍叛服不常披誠布赤以馭之苗民感
泣相謂曰爺不我欺真父母也監司交章論薦例得
陞轉而燧以老病乞歸

魏名魁字公可性敏好學器度弘深巳酉領歲薦銓部
葛寅亮珍其文考選第一授粵西陸川知縣政尚寬
平而大綱允肅

傅先覺字性海由歲貢授山東臨淄知縣嚴氣正性公
忠自矢忤當事任八月免歸復文致賍款蕩產無餘
崇正元年昭雪起用以老謝

林志道號覺原由歲貢任浙江嘉興府通判管理嘉湖
兩府白糧釐剔弊竇勸輸有法攝府政併視道篆當
繁劇之會以一身任之裕如也撫按交薦陞廣西柳
州同知

林士講號弼宸筮仕龜山發祥之地實具蘓湖作士之
風繼令貴陽撫綏苗民各得歡心雖直道左遷而遷

徵至今頌德

林樹英號茹實由恩貢授泰州經歷謁選日條陳時事
發奸摘伏在官每於鹺政橫暴之日婉轉爲民更生
上司待之加禮陞萊州州判

魏能容字介臣號洞谷崇正庚午領鄉薦雋肯閱文清
風亮節授徒講學齒無他及居貧三十年不受選蓋
淡然於世味外者

王拱盤字維城號衡翊崇正癸酉舉人嗜學敦品言必
有坊財揆諸義事父母以孝聞有不豫極意承順寢

瀘溪縣志

卷之八

人物

十一

膳必省視和樂及於兄弟產雖中落隣不舉火者周
之里不任塋者櫬之人有寃而覆者白之時有私竊
秘不欲鳴其長厚又如此

節錄同宗侍讀
學士廷垣本傳

林世第號越軒淹洽羣書守身若處女司鐸青齊多方
訓迪擢遷滇南急流致政

傅作興號擴懷博學砥行由歲貢歷任上饒玉山訓導
陞廣信府教授師範端嚴敷教有序士類多所成就
臬司督學交獎其清修以母老告歸定省至髦不倦
所著有文萃彙氏

黃鍾鳴字元韻號四清由拔貢任合肥知縣端謹易直
寓撫字於催科運精詳於博大殘封整頓士民休嘉
時重鎮師集婉以馭之兵肅民安撫按交章薦舉
龔麟標號隱溪由歲貢授興業知縣陞鬱林州知州敏
慧淹博有聲菽憶卅角時卽受方伯之知而天懷古
茂若不知人世有機械事者其受吏事也不屑屑簿
書廣勵羣才日進諸生以講學屬故多益加意撫恤
寬然於法度之外潛移默化盜漸解去說者謂有渤
海家風

傅全覺字無漏孝文嫻睦慈祥豈弟胸富西藏手不釋
卷賦姿清絕玉山雅以照人數論淵通塵尾自能服
物叔文燭謂當處於晉宋之間

孫景耀號震陽學貫諸家耐守清貧於世味泊如也著
有易旨問義地理真詮竒門秘要諸書

傅汝掄字材卿幼有大志嗜學不厭下筆千言立就試
輒冠諸生家素饒凡所貸負不責償事母以孝聞庶
母有孤撫愛篤至及長拆產必先膏腴日以生徒數
十講論不輟一時學者傾誠嚮往稱曰三源先生

魏九公幼穎敏勵志經史不與外事嘗曰人不讀書探
聖賢義味置身無地矣年逾七旬猶日攤卷籍吟誦
無倦意

石鳴鳳字岐孟少負英氣資性明敏髫年補弟子員樂
善好施助三溪橋工銀三百兩以妖亂而廢邑有苦
鹽權之徵者代爲完納不責償

傅汝楫邑學生潔已晦跡事父母盡孝敬處鄉黨極公
平年七十餘無一議其素履者四赴賓筵

鄧一芝字九中邑庠生性孝友事繼母務得其歡日與

同志講明程朱正旨著有莒山集門弟子稱爲莒山
先生

盧魁字南麓行玉九本黃金一公幼子也金有同懷妹
適盧姓無嗣妹固求繼姪於金金不得已以魁往魁
性孝先意承志姑廢疾六年服侍湯藥朝夕不少懈
感謝曰願爾多生孝子以昌大爾家姑父復患疽病
四體不仁凡飲食便溺俱左右之每天齋禱負出遊
以舒其困及彌留籲天願以身代姑父遺命天生孝
子事我已極盡其道豈有不念其本生親者我死遺

歸之魁廬墓畢姑族以爲言因置酒會族姓曰產業
槩歸東園我不問也四子請復本姓魁泫然曰是又
盡失繼廬初心也乃沿廬爲姓而以黃爲歸後兩舉
鄉飲大賓益藩府道皆旌以匾 明御史黎明範撰
鄧大成字伯成居家孝友訓子義方嚴交遊重然諾遇
事慷慨義形於色洵有古豪傑之風

魏澄嗜古篤學絕意仕進里有貧而善讀者給以膏火
不能婚者解橐資之其雅誼高行類如此

傅臺字南有邑庠生溫恭孝友豈弟慈祥其天懷恬愉

人接之若坐春風中卽規子弟亦無疾言厲色嘗誦
古詩曰不作風波於世上自無冰炭到胸中

石珂字叔寅文器第六子自少嗜學補邑弟子員郡縣
交薦應明經徵辟遭時不偶卽耽志邱壑戊子當事
以地方人才首剡夷然不屑闔帥劉光弼專制江省
欲起爲郡邑司訓仍力辭性簡淡動循繩尺強年失
偶不再娶每談及忠孝節烈事爲歛然色喜一時名
流如揭重熙黎元寬俱雅重之喜購藏書史斷簡必
續兵燹之後一邑文獻賴以不墜臨終戒子勿修佛

事

龔世文字質中弱冠遊庠好學敦行以古人自勵生平無疾言厲色歲凶捐金穀賑族里貧乏者更粥諸塗以濟行旅

鄭世綸字育寰少穎異嗜讀母孀居三十餘年會疾篤禱以身代慷慨倜儻凡遇不平事抗言以聲之里有貧乏爲之周給訓子以義方嘖笑不少假於高年邵德賢人君子輒敬禮焉

鄭維屏字煥章邑增生動循矩度足跡不履公門以讀

瀘溪縣志

卷之八

人物

十五

書自娛於紛華勢利澹如也遇橫逆笑受之人欽其雅量

魏時耀字養恒輕財好義敬禮賢士大夫遇事樂爲人排解族黨子弟有質優而食貧者率贈金以資膏火嘗慨然曰吾儕不能以詩書砥礪後進族姓何由光大課讀非漏盡不休

傅金城字方築恂恂孝友累歲下帷不輟文菑刻燭可城尤覃心理學不事章句敷妍著有五經臆補惜兵燹不傳

鄧旭日字晉明邑增生明敏博學賢孝著聞剖是非晰
義利遇事慷慨敢言綽有古人風

石文珩警敏嗜讀弱冠補弟子員事繼母以孝聞病篤
衣不解帶親調湯藥禱以身代卒獲痊邑令梁應掄
申請給匾賜粟獎異之

盧宗翰字大衛邑庠生一介惟嚴四維自勵壯歲卽屏
絕榮利惟鍵戶一室研窮經史其於世俗若有鴻溝
之割偕弟宗蕃孝事繼母等於所生

林一新號正吾稟性寬和敦孝於族里煦煦無忤窮困

爲賑給無所繫恠遇讀書人尤敬禮之

鄧璿字溫如邑學生少負大志動以先正自期每試冠
軍弱齡獲知於蔡懋德稍長爲侯峒曾所拔識弟瑣
次之一時推爲二難潛心經史務在窮理盡性久之
悠然有得謂堯舜人皆可爲雖顛沛流離弗憊也著
春秋補註一書於五傳多所駁正其承順父母友愛
弟兄家遯之間尤見至性有識者推本於乃父舜日
見色不淫所致惜壯年而卒

魏名大字匹凡邑庠生質直好義樂引誘後進遇事爲

人排解歲荒減穀價濟貧乏邢御史旌其廬曰善士
盧宗周字大武邑庠生幼失怙克自振拔篤學砥行事
母承色笑無違恪守祖訓兢兢恐失墜樂施濟戚里
有窘乏者多藉以舉火

傅璽字懷泉瑰琦卓犖端毅不回其平昔急病讓夷多
所推解而繩人以正不苟徇於流俗

鄧瑄字文孺邑學生聰穎絕倫過目成誦甫六歲夢作
咏松詩云幽人無俗懷寫此蒼龍骨九天風雨來飛
去作神物父奇之弱冠學古不倦與兄璫更相問難

爲文高邁雄渾爲侯峒會所器重母死水漿不入口
者數日每伏柩慟哭欲絕鄉人爲之感泣

吳晟字紹懷豁達有度禮賢重士嘗爲人排解卽有非
禮之加不與校

林世盛號肖中邑庠生博學多識和易近人節躬以廉
隅型家以孝友壽踰八十有司推舉鄉飲上賓獎匾
恩榮齒德

鄒智達字繼東性端慤以詩禮傳家其修先祠置義田
意計至深遠也歲大祲捐穀賑貧乏妻吳氏躬炊粥

以輔流移時全活者甚衆

鄧玘字登公邑庠生好學力行父母有疾則涕泣不已至不飲食不成寐年三十孺慕依然其罹變而歿深以未終養爲痛諸如和於兄弟信於友朋里中貸不能償者爲焚其券美難罄述

傅代言字弼高邑庠生性敏嗜學博極羣書行誼端方每以古人自期尤敦孝友父病篤知其不起請以身代及歿哀毀骨立三年不御酒肉事繼母禮敬備至撫異母弟怡怡一室記曰博文強識而讓敦善行而不怠弼高有焉

瀘溪縣志

卷之八

人物

十八

林世熙字叔開神宇爽豁議論亢戇日惟抱卷朗吟落筆千言立就邑令潘元勳延訓五子俱有聲生平一介必嚴百行具飭通邑仰其風節

傅學字念橋克敦孝友父早喪撫鞠四弟恩義備至分異時推腴受瘠至性藹然於門內

林雲游字繼岡號少山不言而躬行倒囊篋以濟困璞玉渾金粹然無疵議孫芳登順治丁酉賢書爲

興朝首選

傅仰泉事母以孝聞母中年瞽目出入皆泉捧抱携持
飲食必躬進數十年如一日及母喪哀毀骨立朝夕
薦饗慟哭踰情其篤至有如此

盧士信字體乾邑貢生衣冠儼肅言行端方毅然以維
挽頹俗爲己任其闡明書義一稟程朱當時文衡以
湖東高等噐之

王賓臣字簡伯孝廉拱盤長子節母孫氏出也喜讀春
秋傳義氣凜凜常見諸文詞母死寢苦枕塊水漿不
入口者七日時人方之王哀

李大開字皇求中式崇正癸酉丙子兩武科丁丑成進
士戊寅無爲妖亂身率鄉勇堵禦殲靖地方賴之宥
授浙江前營把總流賊作亂卽調守泗州皇陵殄氛
孽於淮北淮院贈匾南國虎臣陞金華守備護理池
州叅將副總兵闖賊陷闕奉旨勤王時高傑等爭淮
陽鎮江營與通開力戰死焉三院移咨督學優錄後
裔李復韶附學注册送考雍正四年奉

旨建忠義祠入祠享祀

方調鼎字伯元邑庠生端慤方嚴動必以禮家雖貧養

母必謀嘉旨設帳近里生徒饋以甘脆必持歸奉母
主人得其情遂日進鮮於其家

危象泰諱萃台少穎異博極羣書尤酷愛文文山集年
五十聞金邑陳惟易精易理往受業焉瀘邑節義理
學於此見一斑

石觀字宣猷貢生襟懷拓落不務豐利以自殖捐田糧
六石四斗益祖祀生平和易長厚非禮不報朝夕惟
手一編經史文多悲歌感慨年既耄猶能作小楷雖
累牘不倦

邱景字景玉號渾菴少失怙孝事其母與祖母撫諸弱
弟友于備至創祖祠課後昆嗜善若飴嫉惡若穢母
卒罷舉子業高尚其志督學使旌以熙朝遺老

高日華字登衢以武庠爲湖東道中軍豐輔長髯聲若
洪鐘益藩深器之詢其能以嫺騎射解擊刺對崇正
十七年出汎鷹潭委以千總

國朝

盧夔龍字雲翼天姿過人學無常師以歲貢任龍泉司
訓時賊初平宮墻頽敗士民散落與邑令謀多方招

集還本業郡守嘉其能令攝萬安學篆學使卻行查
兩學現陷賊營者數十餘人欲褫奪聽力解再四跪
請卻察其情直悉准令自新補考後量移松江府經
廳委署縣及本府通判事廉明並著入旬告致優游
林下而終兩學聞計者爲望風哭奠

李發字和之賦性恬淡不爲岸異而胸期雪白善氣迎
人下帷攻苦外了無預涉於四子書義多所闡發精
理名言爲一時都人士之冠

魏一躍字潛生博學嗜古同胞兄銓並馳士林銓以確

深古健見推躍以清新俊逸擅長廩膳與兄同歲薦
亦與兄同一時有二難之日

于志澄字滌茲六歲失怙母孀居五十一載多方志養
展盡孝思好學博淹經史雅擅文名而視履端方言
行畧無玷缺

盧應中字午陽邑廩生萬歷辛卯科副榜篤學力行以
父之孝事祖者事父世篤彝行駐府兵監司戴聞其
名聘爲西席坐冰署中數載不妄干一語戴雅契之
每詢其由則曰庭訓本如此

李廷棟字晉明恩貢生十齡能文好學敦行母患日棟以舌舐而愈居喪哀毀骨立值歲凶平糶以濟族里設粥以饋道殣不慕榮利優游林泉以自樂其志

盧璵字子玉歲貢生學問淹博品行端方壯年失偶義不再娶家居惟專讀書非公不至縣署司訓萬載文行交爲勉勗絕不及贊餽以病給假痊後竟不復

盧伯龍字雲子七齡失怙岐嶷不類羣兒及長孝養寡母友于兄弟外惟銳志於詩書而已湛深經術足爲世用以終養故不忍圖進取子四長宗臣登辛酉賢

書餘皆積學知名一門鼎盛縣令汪雲鵬爲立傳

林予慶字輔客邑廩生家貧篤志試輒冠軍親詩書而厭紛俗淡世利以寡營求潔已好修君子也

徐日旭字伯先邑廩生淹貫經史發爲文章一皆宏中肆外邑有公事慷慨以赴邑令李卽龍爲敬禮焉

魏毅字鈞千弱貫補弟子員嗜古博學與二三兄弟相師友一時咸異其才丁世亂棄八股業專攻經史古文大家兼通宮譜諸書憫俗之縱子女入廟燒香者不可莊語也作擷芳園翠屏山曲以寄意又以爲紅

牙隊裏事不足自存旁註葩經韻語爲從事者指南
林翰貌不勝衣言不出口惟一切經猷嘏畫歸於正大
見逞機心者指爲風波之險而望望然不屑也族黨
以懷葛氏目之

傅南錦字天孫庠生孝友播稱內外無間從父廷試染
疾京邸連月日不交睫父病業已奄遊南錦捨呼痛
哭越宿遇明醫得甦一時驚以爲奇

石鵬字搏夫邑增生簡重惇穆席純綺淡素若寒生脩
然物表雅意操行孝友允篤於庭除縑緗無廢於寒

暑

黃龍起賦性端慤嗜學敦倫與人處無崖谷而有廉隅
課後昆敦詩書而勵道德浣濯澡雪以自終其天年
魏雲中字溥若邑庠生篤學嗜古卽釋氏內典咸寄丹
黃積卷滿樓坐卧其中自夜分一寢外雖食頃書嘗
在案朋輩日以書癖年未四旬病劇尚手一卷讀竟
而逝

鄧林桂字衡甫邑增生秉性直淳行誼古處日惟事篤
學課子而一種英邁沉摯其臨財不苟見義必爲多

有可錄者

黃中藻字晉昭邑學生恂恂長厚不以賢知先人而摘
文揆藻馳騁往復有吐棄一切之槩

盧升龍字雲丞邑庠生篤學自愛性直言慙多不諧俗
值閩變困於兵不爲屈脫歸孝事雙親慷慨施濟訓
課後嗣督學使獎匾曰義方萃秀

傅琦字奠石少失恃家貧廢讀適有戲侮者自憤曰昔
人有年二十七發憤讀書名振千載予年尚未及此
走曰其父父壯之命復理舊業不一二年而學成一

瀘溪縣志

卷之八

人物

二十四

試補弟子員再試餽於庠撫四弟各有成立蒞茲土
者多器禮之

丁元字長人邑庠生家貧嗜學博古淵通三日三試而
三冠軍警辭逸調同輩爲之俯首尤見器於司李王
錫袞謂其文冠六學遭世亂竟歿於兵

黃龍躍字仲修庠生秉性剛方人不敢狎於庭闈無忤
色怡怡伯仲之間迄皓首無間砥礪後昆詩書垂訓
此外泊如也

盧肇龍字雲驥郡庠生少失怙事母盡孝遇荒施粥通

不能償者焚其券年七旬邑侯常聲揚匾曰齒德達尊

王雲喜號

石邑廩生有行有學屢試冠軍兄雲程增

廣生博學強識罹寇難罵賊殞其身

饒萬民字育生邑庠敦鄰睦族焚券恤貧父魯岑遭土弁之難戕於兵枕戈誓復蕩產數千金卒得仇以報

其父

傅紀雲林傅琴山後以勤儉治家以孝友飭躬樸拙自守不諳機事恂恂焉叔季有黃虞之風

瀘溪縣志

卷之八

人物

二十五

于志淇字我清邑庠生篤志經史過目卽能成誦授徒諄諄不倦事二親以孝待兄弟以恭處朋友以信地方公事不避險阻毅然任之

林廷秀字伯穎邑增生家貧力學蕭然四壁絕口不言營利事以其所得於己者轉相傳授門下俱知名士羣仰之爲後學宗

盧明遠字覺先邑增生器宇軒昂動持大體以其學術經濟素所宏裕者卓然于鄉邑宗黨間邑侯張萃祥匾曰奇英碩望

鄧化日字貞明號著齋年二十八督學使者蔡懋德掄
拔上卷入南雍大司成姜曰廣以名賢許之見明季
濁亂隱居不仕肆力於濂閩關洛經史百家制藝及
詩古文詞集有成帙緇流黃冠在所痛絕讀史至漢
明帝迎佛事謂其流禍無窮歷八十餘避閩變匿深
谷中吟咏不絕性峭直雖或有過激之屏斥而潔已
守道善類咸宗之

吳謙字益人號牧菴性敏達讀書日可萬言癸卯科舉
見遺以遊場登鄉薦十三郡奇之胸次磊落素以大

業自期著有亭亭居詩集

傅宗舉字德品邑學生恂恂敦篤勵志下帷接人不苟
言笑修身猶如處子其孝友直性敷於家庭者如觀
三代法物

會先春字子元號退巖歲貢生所著制藝詩古文詞雄
奇高渾尤工書法都人士咸珍之廷試授新昌縣司
訓敦士習勤課藝攫取之財視若糞土晚歸林泉訓
子侄砥礪廉隅學使旌匾彤廷鳴鶴府匾博學鴻儒
盧宗振字大詵歲貢生居家孝友持躬端確讀書十行

俱下弱齡泮遊冠軍業館二十餘年邑中知名士多出其門七試秋闈不售銓授瑞昌司訓寒毳首蓓相集課文而外惟以篤行爲諄諄迄今瑞昌士風不變皆其功也休歸著春秋定旨叅瀘士習春秋者語爲鼻祖云

鄭繼言字禹昌由歲貢任興安訓導署信州教授文章德行卓然自樹士林咸仰重焉解綬歸革除里排纂修縣志皆其勞績可紀者

林震字溶雷邑庠生讀書懷古天性孝友卽夔倫循習中卓然能自表見者

林繼望字子覺邑庠生學問淹博素負大志誠懇有守獨行不倦邑里推爲端士

邱四教字肖尼篤學謹行孝事寡母母怒卽長跪請咎朴俛色霽方已待人無機智鄉里多爲給濟著易解傳後

吳漢百六居家孝友接物和平族需公費慨發囊給之歲荒務周恤里黨多沾其惠

鄧可人字文子郡廩生品端行恕博極羣書常集經史

戊午領鄉薦庚午授靖安縣教諭每朔望集諸生闡明修齊治平之理靖士咸佩服其教癸酉聘入閩關分校吳鐘蔡士舳諸名士俱出其門主考孫子未擅山左文望序同門錄三致意焉馬大中丞以卓異薦授浙江武康縣尹一載丁母憂服闋補任直隸南和造水澇瀾境鄰縣畏不欲報彰慨然曰豈有爲民父母災異匿不上聞乎通詳委勘得請蠲民困稍甦甲申歲飢再請賑復捐俸設藥局以救疫知和五載民頂斗以祝構祠祀之會疾解組歸重修盱江集立義

倉以賑族中貧乏者

傅璜字璧如少穎異年十六冠於庠膺康熙己未歲薦司訓新昌歷十二年日課月程凡所以勵諸生不憚勞瘁雖桃李盈門而寒氊冷署泊如也解組歸閉戶著書壽八十有六

邱璵字典玉號爨齋邑庠生稟性剛直見義必爲集縣紳士請革里役定條鞭勤勞無倦色婚不能完者贈之券不能償者焚之年九十餘猶朗誦四子書聲達戶外課諸孫講晰義蘊竟夕不寐

李文敏字孔修歲貢生端方渾厚人以迂拙目之遂自號拙菴嘗言士品端而後風俗成足見其人矣

危萃斗字桂林積學不仕以詩文自娛嘗咏月云未審初三夜嫦娥怨阿誰懶開十分鏡只畫一邊眉

鄒之晉字仲昭號仁山少穎異一日數行髻齒偕兄之震餽膠庠初落副車甲子登正薦居家孝友動以禮法自持見不義惟恐其免已樂引誘後進一時人才多藉以陶成

鄧應角字雲先號若人少負大畧葺茅中有廊廟志康

熙乙丑選拔貢部考授知縣未任而卒文江同年周尚中贊云兒撫羣物志在經綸處則名士出則良臣有懷裕後斯爲若人孫觀登丁巳 恩科進士

邱受明邑學生雄文踞坵俠氣干霄每敷陳利害切中當時擾攘於荒榛中卒晦跡軒岐以善全其故業亦所稱名哲士也

邱應遜邑學生材華敏贍器宇軒豁髫齡失怙而能謹循畫荻之訓卑已尊人疎財周急雖未獲享長年德懋行芳矣

曾師聖邑增生家貧嗜學品行端方授徒訓迪無倦知名士多出其門

傅鳳字鳴陽庠生天懷煦藹悃悃無他鍵戶自好其訓人一軌於長厚終身無疾言厲色

林繼賢號毓一學問淹博文章華茂動止矜莊一語未嘗簡率父罹飛謗挺身昭雪百折不回而事得白遠近稱其篤行

林朝熠字師卿謙卑接人信義持身而天懷磊落未嘗以世累爲憂校序中服其道氣

林名揚邑庠生才識敏達有懷經濟遇人危困悉力匡持子姓訓迪多方翹然里族中

林士詔字侍甫號慧冲歲貢生丰儀修整才華敏贍孝友一堂藹如也至於闡發經義高談世務解衣磅礴嶄然不與俗同

盧宗蕃字大生邑廩生好讀書一日數行俱下孝養繼母力致甘飴母疾衣不解帶者數月人有危急卽祛橐周之世業漸落雖家徒四壁意趣洒然

魏定化字際明邑庠生家貧失恃能承順父志丁世亂

挈家置郡時南瀘界畔有乘亂爲寇者偕一二同志
具呈府道榜示禁止稍平歸家餘黨猶盤踞朗港與
土弁相關通上鄉各都推化爲首上計邑侯李轉上
之司李王巡道李發兵誅朗港擒土弁戮之而瀘始
安枕身爲儒生殄氛一邑論者謂三代以下之偉人
也

傅珩字行玉篤學好古試輒冠軍督學趙竒其才督學
邵贊以推倒智勇後同姓有貢於京者謁邵猶誦其
文而詢起居焉孝友孚於家與人交重義輕財雖朝

夕不給而胸懷磊落不以貧累逝年應貢人皆惜之
鄒衍泗字道爾邑庠生負殊姿有豪氣禔躬砥行孝友
推於族黨闢學舍延師課子其中有貧不能讀者爲
給俸資聯文社兩都知名士一時人文蔚起皆其獎
翼之功次子之晉領康熙甲子鄉薦

魏懋中字寔若邑庠生謹飭居身友愛成性胞兄雲中
早歿以一女二孤洎家事囑之懋事寡嫂以禮育孤
姪以慈几嫁娶延師築室廣畝身任十數年二孤學
成名著族之父兄訓其子姪曰女爲人但學六叔懋

中派行居六也有好爲月旦評者少許可獨不敢評
懋中或詰之曰彼固真真君子也

盧乘龍字雲躍邑庠生端謹廉潔不與外事苟功可及
人不惜財與力族某受重禍度可得之當事潛爲解
釋而耻於見德歐氏其其婿也卒而家貧不能辦殮
具既經營其葬事并葬其祖與父三棺早年見契於
邑侯李晨一未有干謁令愈嘆服

盧日懋字其升邑廩生性孝每親意有所向悉力致之
雅自矜尚以僻處耳目爲隘歷覽山川風土遍謁吳

下雲間諸名宿曠然有餘遂發諸篇章有旭堂新藝
遇字草諸刻戊子寇變焚祠廟戮士女毅然以君父
難矢報卒捐其軀

林嘉穗字能弘號月菴邑廩生篤學能文大有幹濟事
無論艱險慨然以身任當閩變初平縣治葦蕪修城
建學咸賴其力

魏士泓字宗沂恩貢生工帖括善詩賦樂以長物施人
歲荒平糶人皆仰其忠厚

許士弘字一先號道巖康熙乙酉秋餼滿應貢試會城

督學使故遲其期諭令先塲屋事獲雋少孤極力事
母垂老不失孺慕心讀書修品外絕無他與

李元勳字念功邑廩生敦倫睦族善氣迎人搜博羣書
通達治體縣初值役者爲里排所累偕紳士等請縣
詳革邑人至今齒其功

石瑯字呈潤邑廩生瀘新建縣道試無一等瑯毅然首
呈學憲面試盱江賦從姑山詩卽以一等冠軍越數
年土寇躡瀘地舉爲總練綏靖地方之力爲多

許子良字貴卿弱冠偕弟子才竝補弟子員時益府慕

其聞望特選第三子建元爲儀賓次子連元邑廩生
淹貫經史善詞賦與周延儒蔣如奇諸名人友善

丁開泰字見可號蘇門邑庠生器宇岸異至性過人其
胞弟逢泰久客不歸讓世宅腴產於姪生平落落寡
與既定交始終不移友某家貧假金遠賈盡傾貲本
絕不掛齒頰招之西席厚其館穀友辭讓開曰不如
此何以活家數年亂作始分袂去

林首捷字兆元少負骯髒之氣岸然自異隸庠屢拔前
軍淹博經史如熟悉其人習見其事遭世亂棄八股

業杜門自守雅意正園年七十不踰其初

丁聖作字哲士邑庠生幼失怙恃養於堂伯母李氏既長事李氏如親母愛李之子如胞弟數十年如一日歲大饑族之貧者無活聖作方讀史奮然起曰鄭宋兩子罕出粟勸人以濟其國君子謂其可以後亡美行獨讓古人耶乃聚族之富者已爲之倡令各出所餘計口以貸

魏銓字君衡忠信篤敬人也家席素封而無奢念試輒冠軍而罕驕容非禮聲色未嘗側耳瞬目友人贈之

聯云持身若處子克敵如大軍

何起龍字雲從邑增生督學使侯獎曰寬厚居心慈惠成性祝壽圖贊云不以昭昭伸節不以冥冥墮行讀此而其人平生可知

李東崖渾金璞玉與物無忤歲饑捐粟濟族里設粥以哺流民親疎咸蒙其惠

魏邦屏康熙乙亥歲貢性寬宏不露圭角而氣骨英俊爲合邑革里排開水道噴有聲琴著適興閑吟詩稿邑侯常聲揚贊曰跡公生平謙讓允塞溫溫恭人柔

嘉維則述聽承流其儀不忒億萬斯年懷於有德

盧宗楚字大珩歲貢生品行端方問學淵博館居數十年足不窺園靜悟有德輒欣然忘食將終作別親友大笑而逝

魏學徵邑廩生析理深細博洽羣書屋側豎亭植梅五株中雜一柳啣觴賦詩以自娛號樂梅侶著有日涉語錄數卷

傅春枝字梅逢邑廩生試輒冠軍爲文秀雅絕倫至今膾炙人口教授生徒半屬知名士癸亥協修縣志輝

蘆溪縣志

卷之八

人物

三十六

流緒墨

孫釗字威遠邑廩生其先人琚輸學糧十石曰吾子孫當有以文名者釗生聰穎不羣力學不倦每試不作第二人想邑侯衛執躬王鉞雅器重之始終相交以道未嘗數見顏色

丁集成字四可慈祥豈弟著聞里閭凡施藥以救疾苦出粟以賑貧乏橋路傾圯者修之貸券莫償者焚之邑侯余履度扁曰古道照人

龔麟桂字馥生邑庠生性溫恭幼從學於胞兄麟標友

愛與禮敬備至不問家計饒乏見里有困急者周之坐是食貧自窘筆耕以給杜門無求足不履城市者終其身

林台伯長祥之長子父疾篤三詣城隍廟一卜筮兩焚疏求以身代不數日死父亦尋歿事雖無濟而篤摯真性不可滅沒

鄧舜日字五明幼習儒業以道義自勗臨財不苟見色不迷中年喪妻義不再娶族有窘於婚者助其貲鄉中事多爲排解歲饑自食糜粥留餘以賑貧之子璠

璠以文名

傅雲騰邑庠生好學力行中年失恃哀燬骨立父病禱神願以身代待諸弟以恩分產取其礎薄晚年館於府藩門下皆知名士

周鑑字光遠號肅菴歲貢生事父母以孝處兄弟以友自幼勤讀非漏盡不休精徹理境羅摭羣書與魏必大諸名流同冠軍於郡守鄒督學使者高雅以轉移風氣自任深爲許可理析於心詞辨於口一時從遊多有成素行朴誠無詐飾里中忿爭聞其言卽怡然

以解及歿折券者墓者閉論者俱俯首曰不復有
是人矣

魏光選字達九號省齋邑庠生素負大志緣手顛不能事
進取退居課子姪先德行而後文章撫異母弟光齡多
方扶翼讀書樹品以有成銅岡橋燬首倡捐造歲庚寅
領修文廟督學獎匾後邑侯沈元煉白潔兩舉賓席
已酉李如瑤再薦大賓時年七十矣督學傅爲撰壽文
譚嘉言字惟祥邑廩生嗜經史尤愛左傳爲文逼肖之
邑侯樊每以大器相期父病篤告廟請代竟隨父卒

瀘溪縣志

卷之八

人物

三十八

語家人曰我必下訴冥司挽父三日不返始掩棺聞
者爲酸鼻

盧璉字子伯邑廩生志氣遠大不規規於淺近耳目間
借其叔日懋日新訪學於鹿城婁東長洲諸各區與
李繼貞顧錫疇周岢雍相往還著有古學彙纂行世
戊子土亂爲族禦寇而死

盧琰字子威號慎齋邑增生英敏嗜學制行端方是非
一斷以至公畧無阿附重義輕財出不計償邑侯常
聲揚匾曰學海猶龍

龔幹字正輔學富行優不干榮進惟以得親爲樂嘗游
西昌張徵生欽其德器贈詩曰不隨波靡逐風塵力
養萱堂樂性直孝子遺風今再見誰言斯世少賢人
孫繼武字鎮北中丁酉武科副榜賦性擴落不羈父母
俾另爨不與粒粟意在苦之繼武力能經營自贍更
朝夕視問歲時奉獻如是者數年父母爲頷肯復呼
居膝下付以家政同堂兄弟八或加以非禮笑受不
與較

石鵠字漢舉太學生慧心天悟不賓賓事於書而文成

典則裊躬翫體介然不苟取省親暑贊重仁廉率多
稱意遇瀘侵作糜以賑獲全者甚衆

魏奇字伯民邑廩生警敏力學網羅百家之編喘其直
而咀其裁嘗語門弟子曰讀書所以明道進德非徒
工詞章已也九歲生母鄧姐極得繼母歡及沒屬以
幼姑旣畢婚招居同家室屢乏屢給之際鼎革弟婦
避兵玉佩歿盤山昇塋費無所各異母童妹被執終
夜涕泣鬻已產贖歸擇壻嫁焉晚廢舉子業杜門不
出惟邑侯衛執躬請修縣志一履城嘗書句自警云

好學不愚爲善最樂長子文潢領康熙甲午鄉薦
鄒惠字叔亮庠生少孤卓志讀父書不求聞達家頗饒
穡收粟時斛置木錠出則去之戒後嗣世守勿墜歲
饑常出賑惠德及人

林鳴翔字明甫渾金璞玉愛敬親長以爲善爲樂施予
未有倦志老年舉鄉飲大賓

盧世傳字子欽博文洽記淹貫經傳老年手不釋卷雍
正元年奏 恩詔徧錫耆德邑侯汪雲鵬題以磻溪
逸叟著有得卽錄文集行世

邱鑑字子監號愧夫拔貢生幼穎異塾師授以四書經
傳便默識不忘十歲能文旣長學力倍進凡構藝纍
纍千言立就一時知名士咸慕與之遊年七十猶借
門弟子角藝三場銳如也居鄉立崖岸寓精巖於渾
厚中見者愛如春日亦復凜若秋霜

盧宗臣字大隣號慎菴英雋磊落博物洽聞康熙辛酉
夏入泮八月登賢書戊辰會試以魁薦歲乙酉授上
饒教諭會諸生訓飭先德行次文藝月有課季有程
值

聖廟傾圮捐俸倡修郡守多其才委監府學建造戊子應
閩省聘克同考官解綬歸孝養繼母嚴課子姪焚香
讀史外惟怡情山水消遣世慮而已年八旬膺大賓
薦集紳士修邑乘事竟而卒 少詹梅之珩撰

林漢章字介禧邑廩生承歡繼母友愛諸弟志潔而品
高處事多明決尤精黃帝素問諸書訓誘後學先德
義而後文章遊其門者率皆端方之士

鄭偉字正叔繼言幼子繼言爲興安訓導隨父任寄籍
興安廩生文章德行兩邑交推母病不解帶父歿官

署盡哀極誠興安士咸相感嘆扶孤危濟貧乏鄉里
尤嘉賴之

傅作舟字若濟號巨川邑增生幼失怙恃挺然自植立
童年卽負文名一時有國士之目其不侮鰥寡不畏
強禦慷慨果毅之風見於猷爲者尤高人一等次子
彤登丁巳 恩科進士

魏光龍邑庠生博學強記寢食於諸大家爲文雄深雅
健與時下剽竊膚廓者迥異居心正直素履剛方鄉
里稱爲蕙菴先生

鄭之俊字公迪邑庠生秉性剛方居心慈祥有楊喻二
姓鬻妻償債慨擲金曲全歲壬辰山賊竊發鳩眾策
驅逐鄉都賴以安堵邑有公事不惜協力贊成臨終
自浴集家人餞酒以邁德敏學爲誠正襟端坐而逝
周應星字祥徵孝友孚於門內長厚播於鄉隣好施與
火券無算耿變被賊執及聞其義釋之

鄧之俊字干人邑廩生性閒靜寡笑言寢食詩書不預
外事爲文清新古雅迥異時趨一時有燕許之日

徐琪字奇玉號定菴幼失怙恃偕弟就食伯叔恭敬一

如父母奮志詩書年十七補弟子員雅自矜尚歲饑
常貸田以賑可想見其卓犖不羈之槩

魏檀以敬持已以誠接物財產讓於兄弟凡衣人寒食
人饑藥人病完人婚娶者未有少靳曰是我先人遺
規也

鄧大儀字伯正少失怙嶄然見頭角孝事寡母致其懼
撫幼弟以成立性最淵宏人犯之不校遇患難事扶
救恐後計負債難償者塗券招還之督學郡縣各錫
獎匾

魏紫字平子邑廩生英敏嗜學試輒冠軍教授生徒文
名遠播一種天懷拓落家四壁立絕無貧寒之態
邱鍵字子建號毅菴邑廩生幼承庭訓刻意礱琢文章
自成一家風致翩翩藹然溢於容貌家庭里黨間未
嘗少露圭角蓋涵養性質之功爲多

鄧天章字雲倬號偶峯例貢生少孤奉母訓力承先志
好學能文章以其餘發爲詩歌性慤而公正凡有裨
地方事輒首倡之

于佑字佑人少負雄才甲寅耿變建屬邑皆被蹂躪佑

於閩疆先事圖維瀘獨無恙維時有土弁擾村蒸擄
男婦二百餘人佑緩頰於主寇卒得脫瀘民糧被僞
徵者累年定後追積逋佑率衆叩部院涕泣陳情乞
題請蠲免上鄉水道小溪石嶙峋不通舟楫衆資
鳩工蕪鑿而流差順曩邑苦大差值年者多傾其產
佑集同志紳士累呈各憲詳革請定畫一條規上安
下全至今賴之

魏光燧字式九號志齋邑廩生以藐然孤克自振拔矜
尚氣節常以第一流人自待訖訖窮年爲文章家匠

石鄉闈累薦不售歲巳酉首事里之尉家橋甫竣事而卒

李夢日字英男別號百田耕夫邑廩生性敏嗜讀家素貧所購書充棟戊子辛卯兩以五經薦不偶勵志愈堅偕其弟夢月敦孝友絕世路爬羅經籍扶翼後進瀘溪新城南城三縣門徒雲集著五經括說纂四書集要詞賦文藝成冊帙窘於棗梨資惟夢月所訂經驗良方醫書已刊壽世

盧琮字子傳邑庠生事寡母以孝聞生平矜細行尤敦

大義爲邑中名碩所獎重

盧心瑛字元弼賦性明敏臨事決斷以奉委總練作一邑保障時風聲鶴唳之餘米珠薪桂父命理家政二十餘載一堂聚順人無間言每外歸瞻拜親顏手出時食以奉夜設飲呼諸幼戲於前以博兩老歡及齒繁析爨猶引江州義門以誌愧

鄧克昭字章平號和菴邑庠生天姿穎異晨讀韓蘓大家文十餘通笥腹便便其賑乏植孤功尤著在一門李日彰字旦旭郡庠生仁厚有餘孝友兼盡仲氏日彰

蚤歲艱嗣息痛切已懷聞有可禱而致者不恡多金
費甲寅閩變緝鄉勇以待王師靖山寇以寧封域稱
偉伐焉

石鎮邦字良柱號樹菴郡庠生清苦嗜學尤有幹濟歲
乙卯父兩爲土寇劫急親難以賂奔脫家幾餒卒能
恢廓致豐資篤誼疎財周旋於友戚間貸不計償至
親有肆爲奪攘者惟自傷痛以妥祖父地下之靈

林卽桂字文京敦倫飭紀人也司訓徐陵嘗贈詩云旬
歷杖鄉餘孺慕萊子若友于惠愛深花茂田荆萼課

廬溪縣志

卷之八

人物

四十五

嗣以義方敦實屏浮薄往來長者車季布匹然諾閒
日味道腴高懷寄正壑自抱經綸才付與後人擴卓
爾明時英風規儼如昨

黃棟字大彥號平園年四十二膺歲薦資穎學博恭讓
仁恕弘獎後進爲鄉里望才優長於幹理革里排修
城池皆與有其力

邱鏜字子奇沉潛君子也讀書足不出戶一切塵囂避
之惟恐後

魏嗣英字可超號幹菴太學生性耿志卓公平不阿持

論洞見原委遇事確有權衡凡邑中之公舉都內之
忿爭任勞任怨始終不倦

高山字惟謙郡庠生氣量閑雅矩度不踰值明季濁亂
遂甘遺逸娛情於花竹間以詩書世其業嘗訓子曰
遇合有數不可強也農夫力田豈爲不逢年而舍耒
耜哉

魏彥字士美邑庠生好學不倦定有四書抄疏爲人渾
金璞玉機心不設自號陶陶山人

盧琉字子嘉邑庠生質性醇厚古道照人事親能得歡

心疾必親奉湯藥衣不解帶累月居廬三年晨夕哀
號如初喪晚以事二親者事繼母孝思永於不置云
林際泰字以任號素菴由邑庠補太學考授吏目孝友
著聞才能練達凡事有關於一邑者不惜勤勞以勤
其成

盧宗尹字大立郡庠生孝友直摯父遭耿逆挾餉留營
尹冒刃往以身代父出扶弱濟危傾囊不計妻弟林
種染疫病親戚不相聞尹於其家力爲調護胞弟景
春爲邑公事羈省憤激代控以致身危聞者傷之

石士英字叔奇邑庠生生定省而歿廬墓有古孝子風
居心仁厚言不輕出惟以義方勵其後人

譚采言字惟章孝事繼母四十年如一日壽八十有三
行不需杖易簪前三日謝客命家治酒席擇吉時諸
兒婦分班餞飲翩然而逝

盧宗案字大疇邑庠生孝事繼母歲飢賑里黨以粟病
者施藥餌一切橋路不惜捐資勦成

林嘉模字剛中號健菴意識沉雄丰韻瀟洒枕圖昨史
往來上下千百年間其見於時藝體制一規撫唐歸

陳金諸大家古懋淵博非耳目近玩篋中不下千餘
篇彙其最二百首問世自童子迄明經大小三百餘
試輒冠其首前後邑令欽其文望待之有加禮未嘗
輕於一謁兄嘉彬字震孟亦篤學能文雅相友愛兩
人年屆七十依依若孺慕時終日杜門對坐惟率諸
子弟敦天性講文藝而已從遊多門下士宗旨代有
傳者

魏端字端子邑庠生與兄士眉俱以能文稱端學尤博
凡天文律歷青烏醫卜咸加丹黃

李佑美字本立邑增生孝友兼盡沉心舉子業於世味
泊如也邑侯李卽龍聞其賢雅欲接丰裁惟鍵戶讀
書絕無干謁李益重之

于日燮字赤夏爲諸生數十年足不履公庭先代祭產
蕩然力爲恢復待兄弟友愛備至與朋友坦懷無欺
鄉里有急者分金濟之

周輔國字秀生邑庠生天性英敏學問該博教授生徒
彬彬有君子風著孝友集以垂家訓

李以約字大本號淡月邑廩生幼孤嗜學博采冥搜條

然有飈起之志隨意所呈豁然自見其天直簡策迹
外不足爲適也

林砥柱字美大號澹菴邑庠生賦性孝友八歲失恃事
父先意承志尤愛季弟終身共爨嘗持爲善最樂四
字以自警人有負者概不較甲申大祲減粟值以市
一時有林佛之稱

李紹輔字帝簡邑庠生任直推分愷愷有古人風優游
於繩矩惟以延師課子爲務鄉鄰數渾樸仁厚者必
首推焉

魏經世字獻可號泰溪素性醇篤生母早世事繼母曲盡子道常破產以匡人厄視世之推有餘以濟人者其豪情勁氣爲更進一格

鄧之麟字開周號瑞菴邑庠生天性篤至一本情深幼失怙恃惟祖是依祖既耄晝夕侍奉得歡心焉堂弟之傭堂姪天章兩孤寄託婚配成名皆其所維持之力居鄰琴署非公不至絕口不談人短紛難時有所及飲月澆花有愔乎自得之致歲庚寅與修

文廟督學匾曰光生芹藻

瀘溪縣志

卷之八

人物

四十九

林如炳字公遠邑庠生賦性柔嘉居城市無囂塵氣惟閉戶讀書日以克家爲念

朱士俊字南崇黜浮華而存本質守清白以紹家聲不雕不琢無貳無虞

劉達可字子膺自號審天主人學行一家事親養其志友于兄弟分異後猶破其產若不聞也質敏嗜學雅不辨權量對賓客口不能道世俗事流寓金谿與名人遊多尊事之蚤歲著作盈尺彙甲寅閏變作劫灰復錄清嘯堂草未授梓止傳館課十八則晚年每晨

夕衣冠誦太上感應篇一過

鄭大任邑庠生廉靜寡欲不慕紛華常樂提壺寫月漁樵共話瀟灑閒適其天趣有可挹者

譚昌言字惟正號禹拜邑庠生讀書授學廉隅自勵邑侯區之鼎余履度一區曰芳賢雅跡一區曰金玉儒林

石映奎字璧次聰穎過人弱冠受知於楊兆魯爲諸生積學操行通世故達治體兵燹之後所有因革事宜蒞斯土者一時莫得其要顧咸就諮焉邑之先累於

盧溪縣志

卷之八

人物

五十

里排值年者多破其產奎同諸首事請詳邑侯條陳於司院准定條鞭

盧心錦字元素幼失恃克事繼母母亦待之善瘁力於學以遠大自期履豐盛如寒素人有犯者不爲較石徵學字晉叔郡庠生禮義自守清白傳家性質朴不事浮華與之處古道照人

邱孔揚字律侯邑庠生稟性質朴制行端方二十八妻亡不再娶其苦志貞操於世俗流品外別見一班

盧祖艾字公翊邑庠生謹持自好矩度循循公門城市

中人罕見其蹟邑侯汪雲鵬匾曰行誼可風

譚致中字定儀以首拔補郡庠鍵戶讀書不履城市建
祠修譜諸事悉首任焉暮年通醫道診視遇貧不能
藥者贈之

邱章瑜字玉琳側貢生質任自然深存挹退家富以禮
義爲矩範尤好行其德凡租債負欠者毫勿介意初
乏嗣五十連舉兩子

李元綸字佑公性孝親歿居廬三載不入內室父終時
與以百金瞿然曰父病莫療反因以爲利乎丙子丁

丑歲連歉同從弟元輔紹輔施粥嵩市甲申買米救
饑理橋路焚借券善行多可錄邑侯沈元煉教諭戈
居邦以鄉飲薦藩司匾曰尚德榮標

林瓊發字臚傳質性古樸忠厚傳家每歲終視族中窘
者給肉米遇鄰喪不能殮者施以棺橋路傾圮或獨
任或贊成修建之力爲多

林必新字嗣芳孝於親友於兄弟修橋路火質券義方
式穀子若孫凜承家訓肅如也壽踰九十邑侯曰潔
匾曰商山齊美

徐秉謙字子益性醇樸寡言天其讀書懷古傳家清白
友人輓詩曰暮雲春樹兩悠悠不老青山亦到秋泉
石烟霞風景在生平原不事王侯

鄧占起字鳳先性簡約不事浮靡持身接物煦若春和
見有奇窮鬻妻者常捐金以濟無事嚴於衾影而古
道足安流競

魏文潢字卓公號澄齋康熙甲午舉人性剛介疾惡如
仇潛心理學以斯道爲己任創澄心書院引掖後進
著書往往發先儒所未發居家立課程每朔望宣讀

瀘溪縣志

卷之八

人物

五十二

聖諭以年望爲族推服判曲直不少徇縱家故貧有勸其
爲子孫計者輒厲聲斥之邑侯慕其風力請赴賓席
以礪世磨鈍焉所著作有四書講疏易經講疏等書
周清字立夫邑庠生嗜學能文試多雄其曹同妻傅氏
侍養雙親愛敬備至極得歡心人稱孝子孝婦

傅性純字毓元號完璞邑廩生少孤力學夙負大志石
文器延置西席常稱以丰骨峻整品行純粹道德爽
章允足儀範後人及卒誦於衆曰毓元誠古君子也
周思緝字公敏號遜齋由諸生入太學考授州同踰粹

而孤齟齬時卽異諸兒母泣長跼請慰撫書冊有騫
往之志或對人言當展擴頭地以大吾家甫成童兄
應兆早世值耿逆江楊之蹂躪奉嫂課姪娶婦營產
以有成事母至性繫切躬浣濯服物冬夏視寒燠奉
養甘脆必備少聞嘆息聲卽淚睫至前迨劇病時侍
湯藥偕坐起皇遽恐懾衣不解帶者月餘衰服中哀
毀骨立殯塋依於禮操行故方嚴理之所是謙從遜
顏以待理之所非強有力不爲屈國初邑紳或有請
謁縣署者緝以里排隨衆致餽毫不及於私縣令常

聲揚每替嘆不置見人顛連衣食丐不少靳有長物
樂以貸人卒時蕪其質劑五百餘兩世庄在鳳林鄰
有祝姓迫於積負將鬻其妻慨然爲祛橐金償之後
其人嗣育甚蕃緝歿第四子立愛方七齡承母志刻
厲於乾隆丙辰舉順天鄉試

鄧之鳳字羽君郡庠生八歲失怙恃惟祖是依弱齡受
知於邑令張萃祥冠童子軍嚴氣正性不趨世路諄
諄孝友是訓鄉里貧乏之者周之嘗語人曰寶器不薦
褻味盛德必膺厚福深有感乎其言也

李先發字湘玉號潔齋邑庠生事嫡母侍病三載不假
僕妾力歲甲申石穀千錢傾厥以賑其於邑中公務
如革里排等事俱有成績可紀

林際清字以平號白菴國學生考授州同性懃且遇事
敢言豪俠好義與人同憂樂見有危困莫支者不惜
倒囊篋濟之

吳士徵字登庸邑庠生敦孝友善文章素行慷慨族中
子弟有貧而好學者出貲以助膏火尤精醫學請療
輒往愈不計謝物易簪時尚未有繼嗣越數日舉一

子

高新明邑庠生活淡樂易不事勞器性好客高談清韻
人樂近之

饒大行字君掄畧年入泮足跡未履公門孝親訓子兢
兢自_息益其防閑有不少踰者

鄧敦復字繼武號去剝鄧守謙遺腹子也取大易山地
剝剝極必復之義以命名母饒氏庠生饒大行次女
十五歸守謙守謙歿凜飭閨門內者五十餘載撫敦
復至於成立康熙五十四年以母節具聞 督撫題

往建坊旌表雍正二年

覃恩各省節孝前已題請者准於所在地方建祠春秋享祀敦復推廣

皇仁用展孝思動帑外自捐數百金以成之母六旬後病癱手足不能運動敦復百計調治藥餌先嘗以進設床卧側母起爲之衣飯爲之哺事無大小必躬親卽衣裾湔浣不欲假諸侍婢之手其盡瘁弗遑者蓋十年如一日云

傅鴻猷邑庠生醇朴性成孝友無間遇橫逆不較周貧

廬溪縣志

卷之八

人物

五十五

乏不吝修理橋路以身任之乾隆九年舉鄉飲大賓

邑侯林雲嵐匾曰 德音孔昭

李應星字薇郎號峩山父之郁爲邑名廩生以警慧之姿誦輝薪之指蚤歲噪聲文壇中年二十一受知於督學使高璜再拔餼弟子員行方氣易通而不隨介而不僑居惟沉酣書冊究意經史器局冠冕有鳴玉曳組趨翔廊廟之槩康熙辛丑膺歲薦雍正元年

覃恩特擢例授州司馬辛亥改選教諭戊午蒞任湖口縣至則張訓士文十五條嚴課程慎防檢其於禮義名

節大閑毫不許或逾而一段師生直摯恬粹之意溢於容貌言詞之表邑爲湖江之會多絕崖倒壑波濤烟雨舟楫之勝訓課畢時以寄其眺覽吟咏之趣非公會足不一至縣署縣令安纘祖雅器異之其最脫去窠臼不染時趨者在於批補新隸諸生赤手持刺以入一破緘封進獻之舊習士人株守積困氣象爲之一新耳目爲之一快湖士仰頌擬公製壽錦力辭不允止錄進士曹天瑾壽文以進在任五載年八十回請休予告歸數月卒同其室樞祖道畢舉輒時有

二紫色物迴翔半空中如畫家所稱雲雁者

林際輝字以炳由廩貢任鄱陽縣訓導有聲制藝雅尚風采辛丑歲除于前港庄上給散貧民穀陸百石在鄱陽推道訓俗相勉勗以物恒繩檢一時諸生爲凜飭懽躍初署教諭事再署教授事其卒而以樞歸也祖道者滿於湖濱

何天一歲頁生蚤歲英邁著聲撫鳴劍於墨瀋場中馳騁往復不可羈絀性樸不事雕飾戇言高聲一段天真之趣溢於眉宇晚授德化司訓未赴歷算八十餘

坐一室酒榼茶甌難書卷吟諷戚友至者娓娓話平生如接黃虞以上人

林春鳴字敏達由歲貢任南康府訓導誠懷有古人風操管講學外未別有屬也居邑城姓字不聞識於胥吏年七十始通籍畧無宦情舊例槩爲屏去

聖殿耳目一新八十予告歸清憲之琴鶴無有也邑侯王璐舉鄉飲大賓

鄧中立字贊皇由例貢任新昌訓導慧朗機悟夔然物表風塵而規畫世務不煩繩削自合其鐸新昌也講

求師表之範嚴約儒術之條一時後起彬彬所刊行校士錄至今流播而太上感應篇尤其奉爲津筏者卽鎔字子鎔歲貢生弱齡值閩寇蹂躪雖倉皇匿山谷袖冊默誦不輟卒能以文章成風度騫邁於爨色紛競中卓然以自程異不傷物同不害正尤爲人羣表式

魏大升字象文號月邨學文時卽謀經濟之畧幹局冠冕風采偉然弱冠以孝友聞餼諸生五載

世宗憲皇帝特典選拔

廷試欽取第一原名大中 部以先賢姓字之嫌改大
升雍正乙卯揀選引

見命往兩淮委用咨任泗州關缺新增百事草創升度
務制宜商民稱便議叙加一級乾隆壬戌

題授通州呂四場鹽課司大使是地民雜俗頑號稱
難治升至大小就理舉重若輕輸課疆屬恐後議
叙紀錄七次其救荒甦困浚運河修范堤累著勞
績已巳咨署兩淮都運通州分司是冬
大計正薦卓異候引

見銓陞

南巡命下庚午春以能員委修揚州高旻寺
行宮會疾作卒於旅署

龔紱字小眉歲貢生弱冠以首卷補弟子員於高涓師
學使里中李應星何天一同時上下有三俊之稱意
靜而神遠文語妙儕輩挹其風致懽懽如不勝寢矩
枕繩固無庸過爲檢舉也

林嘉榜字先登號心齋歲貢生讀書有得通訓典於世
務弘致遠識博盡事情尤見禮於邑侯白潔英聲茂

而不激通而不隨非惟家落振發亦使日月踈朗
李如椿字小回歲貢生幼惟習於六藝經籍其攻苦者
以此其適意者亦以此雖興寄所及不無上下千古
之槩而行修言道如入舊闕門第但見有圖書法物
鄧占鰲品修資劭顧盼偉如跌宕於簡策迹中文章豪
邁言議英發擁巨資弗爲所羈繫常曰大丈夫宜有
磊落英多之氣奚事昏駸萎萎不振者爲年五十餘
餽滿赴貢試督學使以才品精壯具

題簡選會伯兄卒惟一孤孫無依辭不赴爲理其家務廣

瀘溪縣志

卷之八

人物

六十

產營吉阡及孤長一錢尺帛皆有文簿彙繳以付所
在庄穀遇饑減價以糶近庄貧不能有售物者貸之
收時不償息辛亥志書集諸同志各捐數十金力爲
編輯銓授南安府司訓未任卒

周濟字魁士例貢生器宇恢宏意識明敏甫長父以克
家屬之遇難爲不憚以肩任卒底於成爲諸生無頭
巾氣爲富室無紅腐氣爲豪華無劍俠氣吟嘯於書
冊中跌宕於世局外時人士矚其銳往剗決之才亦
樂其和愉恬粹之度

傅彩字儀來歲貢生黼藻典物矜喚六籍恭貌徐聲視
人世物無一足以嬰其心而質任自然有樸茂之美
意爲丹峯羣季聚順庭闈中天真盎溢授徒於貴瀘
兩邑故多佳山水吟咏所寄兼善行草書興趣不在
柳州下

鄧鼎立字翌皇例貢生撫緒業於先人不角樸滿之智
朝有修文有考與物爲春浩浩衮影以自適

林廷模字欽士號惕菴邑庠生少失怙歷兵燹而能卓
然自成立事母曲爲承順古稱七業八能及乃祖之

瀘溪縣志

卷之八

人物

六十一

九牧模獨舉成數子十課以詩書一時鼎盛去城南
五里往來要津之地模於康熙五十八年砌以石梁
未募捐一人邑侯白潔爲撰記顏曰連城見藝文其
協力勦資則葉源橋銅岡橋邑孔道出養老峯峻巖
崎嶇上下十里力爲砌石資費頗巨雍正八年邑侯
李如璠舉鄉飲大賓

盧心安字維德操鄉曲羸資不以自封建橋砌路衣寒
飯饑絕無倦怠意驚妻爲償負保全貧不能完娶者
祛豪以贈有隣人竊其家爲所獲婉諭釋去其人終

以愧悔易行邑侯常聲揚匾曰一鄉善士

石映星字柳次邑庠生事繼母小大必稟命未少違其
意昆季有窘輒資給之其學行於薊溪稱津梁者多
溯石先生

林鳳階字翔彩國學生考授州同英風雅尚神彩毅然
擁書卷以自若下筆纒纒立就寒儉鈍訥者爲之却
步故靜退不欲聞外事邑侯闡廷佶敦請建

崇聖祠多勸贊之力

于需字颯聲邑庠生貲爲上鄉之冠戚友知交多賴以

溫溪縣志

卷之八

人物

六十二

舉火歲饑告糴者悉還其錢人予米數斗內政尤樂
爲贊助雖煩劇弗恤里中全活無算恂恂善道冲退
可挹負租者畧不爲理至今于孫守爲家風

魏國模字承也邑庠生凜飭於軌防耽吟書册次如且
之嘗不爲桑孔之析租斛以木錠推移使款入而贏
出穀價不逾四五錢尤多春貸以便貧人之糴

林廷柱字美成邑庠生祥和之質逸羣之才不屑屑於
戶限意有所至悉皆勝舉與伯兄相濟以籌畧累貲
甲諸富室迄嗣蕃倦勤始與二姪別居而貸負租權

歸於寬厚與人交取其退志讓壯厲蟲氣有不爲也
傅學周字元倫號敏齋邑庠生幼警敏有聲制藝中孝
事堂上細行必飭一席之坐不苟跬步不少踰中晚
而後益肆力於學素厭氛囂或歷時未出戶限一日
偶步村際見秧苗蔓綠自謂生趣盎然所學差進一
格淡泊閒適與世途迥異

魏楠字子良國學生器宇岸異丰規峻整以巨貲冠瀘
邑積而能散邑中公事動以多金首倡建濟美等橋
寒士有求者應之尤雅意賓席縑緜積庫厨子姓以
文章著聞桑孔任卓不足爲其歸趨也

邱惟叙字功九邑廩生少以文名童子場及諸生試屢
冠軍游心於浩渺力求王唐歸胡風旨爲文章踈散
簡朗自成一家言父子相繼講席族中諸英俊環起
皆其軌範所及強年後以躡場屋發憤成狂論者方
之徐文長云

鄧天民字行達邑庠生姿性卓茂蘊義風生以文章世
其家尤愛蒐輯凡古人高文典冊皆籍而掌之其西
堂家塾多見於名人題咏

黃周陞字文楷邑庠生英風卓犖決機乘勝有騫邁一
往之致不屑屑營分寸遇會處際悉得其任年踰九
十開率自適於井里間風采隱然

魏邦達字德昭邑廩生幼失恃父再娶生一弟甫四歲
而父卒繼母有才具優理家政達極意承顏善事父
之道於事母性耽書籍或荒治生事母意所拂不無
訶斥聲稍出於閨闈達卽長跽待罪伯俞之泣曾子
之歌兼而有焉達兄弟之產賴其母而裕弟堂亦隸
諸生達以至情愛其弟弟亦以真性繫其兄每於母

前婉爲啓告而責成於兄者一以身任門庭之內益
然和氣流溢弟年復不永達撫姪以聽於母初終未
少違志乘事舉學中族姓各具詞請縣葬倫大典亟
表著以爲邑望

盧廷正字士琳郡增生弱齡遠志究意經史所學多手
錄守性而不陵容物而不弛進退之節其必可度也
事繼母雅意承歡撫弱弟孤姪各盡其事分一門之
內和氣流溢

胥誠字叔歐邑廩生乃克長妻盧氏孝婦之第三子也

性沉靜醞釀於六籍中精華所掇文章鮮妍可愛名宿爲首肯言論造次必依前哲事一人篤同氣則尤其繫切不少假借也

盧欽字上一邑庠生讀書不拘守文藝高步濶視了辨如響挹其風規令人輕綿最諸儒邑中疑難諸老咸爲諮訪而箋簡啟牒皆在鑪錘之間

徐景儒邑庠生儻易任俠姿警才膽聞氛靖後縣治榛莽修城建學多著勞績緒論所及纒纒數千言莫能遏其鋒嘗以公義除里社之害幾坐法隕命卒得釋

鄧祖禹字信伯邑庠生初有聲儕輩中銳意場闈風力騫邁遇愈艱而志愈奮年八十猶隨歲試諸生課優劣而主器方嚴操履不苟亦一邑之耆年淵德也

傅彩字儀成邑庠生家世著儒業上體篤策之志首爲昆季倡嚴坊表有壽畧族中仰其風肯年七十猶侍比堂以孺慕終焉

曾之斌字凌萬郡庠生氣豪性敏壽畧奇至事舉而意不相失族黨井里間雄贊俯一切而摒擋靜退桑孔不足多也邑侯王璐禮請鄉飲大賓歷算八十數祚

死者首及之

邱弘濬字象深邑庠生幼讀父書英邁之氣見於眉宇
不爲齷齪小謹議論行檢族姓推服晚事優游以其
自然者與物相際而庭階文采蒸蔚一脉淵源其足
尚已

鄒翔鳳字黌序邑庠生脫落世局深存挹退父疾侍湯
藥惶遽不安寢及卒母亦繼之朝暮哭泣哀痛欲絕
廬於墓所依戀不減膝下時甲申歲饑發穀以賑鄉
鄰多懷其德

曾洪祉字壽昌邑庠生嚴氣正性言笑不苟挹其丰規
令人抑然自歛亦肅然起敬詩書本業樹居外絕不
以營心每租入時斛內置一木錠出則去之至今傳
爲家法

周淮字三仰國學生胸次矜尚風期卓犖處富室不翳
俗埃和油共適遇窘困卽爲推給壯歲而歿士論爲
之惋惜

李夢來字穎士邑庠生羸出於制藝中英鋒逼人而質
性渾璞冲宏絕無流競之態所居里多村野農疇雅

以信義相折服有忿爭來質平聞言輒爲解去

李四維字士芳邑庠生髫年以警慧聞稍長擇師汝水
名下士爲文踈朗謹嚴有萬歷年間丰致器宇魁岸
神采英發時或見於吟咏壯歲徙居薌溪之江坊與
兩邑學者往還俱爲下一榻

林一清字定南邑庠生風流跌宕脫去窠臼辛亥志書
同爲訂輯晚托跡梵刹與緇素講究宗門旨趣興寄
翛然自遠

石岱字雲根邑庠生性豪尚不肯薄以自待接遇一本

天真無機智媮末習態遇不平或時爲敷析其公理
自先世以文學顯篤課其子弗墮前人家聲優游館
窓庭戶間惟知有視學治生之事其氣燄不足以奪
人其正大足以俯一切

鄧璧光字思白邑廩生髫齡有童聲及長揚摧古今踈
厲英發文章淵懋人莫窺其際而風度高騫如行山
陰道上一時青衿白面輻輳歸之

林植字美如懷質抱貞按部就班率其身於軌躅常有
警策不懈之意長吏優以冠服舉作農正

李芳字子伯邑庠生行修言道氣龐而致樸其屏去胸
中柴棘奚啻三斗許也

李其備國學生敦厚周慎繩矩不少踰門以內攤書澆
飯無非佳趣視一切奔趨無間泰者骯骯莫以尚已
魏光齡字命九邑廩生少穎異頭角嶄然及冠踔厲風
發蹀躞不可羈制以文章著譽推襟送抱抒誠寫心
於人未有城府接晤朗朗如行玉山羣從兄弟頗蕃
盈齡位置各當聞言輒爲退聽惜不獲享長年妻盧
氏見列女傳

瀘溪縣志

卷之八

人物

六十八

鄧汝寬字裕乃國學生器局冠冕識量宏濶料簡緇帙
妙選師友堂階中文彩煥發累貲不以自封獨建祠
前橋倡募多爲勦成別庄在龍陰有李姓鬻南妻寬聞
悉如其所需給者予之得保全完聚縣侯李如瑤具
行誼上聞藩司特區獎之

邱

鐫

字子雋號慕慙邑庠生素履端嚴不投時好裕
幹濟才凡邑中重務修

文廟倡改折造渡濟涉關途利行殺然任之視馳虛名而
乏寔蹟者奚翅千里而遙壽八十有四

許

謙

字牧夫奉廉士加次子性孝友規子義方競秀
膠庠鄉都排解人皆欽誦邑侯士扁旌望重南金